

Powšitkowne WOZJEWJENJA

njedźelu, 6. meje 2012

TCM přeprošuje na nyšpor do Róžanta

Na wosebity nyšpor njedźelu, 6. meje, w 17.00 hodź. přeprošuje Towarstwo Cyrila a Metoda (TCM) wšitkich wěriwych do hnadowneje cyrkwy w Róžeńće. Rabličanski chór Lilija jón wobrubí.

Duchowna hudźba

Wuspěšny džěcacy chór z Ustija nad Labem wuhotuje zhromadnje z instrumentalistami z Libereca tutu njedźelu, 6. meje, we 18 hodź. w Budyskej tachantskej cyrkwi přeni lětuši koncert duchowneje hudźby. Pod nawodom Petra Zemana zaklinči mjez druhim Magnifikat, kotryž je Miloš Bok składnostnje zbóžnoprajenja kapłana Alojsa Andrickeho skomponował.

Wo serbskich jutrownych nałožkach

Radijowy sćelak Deutschlandradio Kultur wusyla póndźelu, 7. meje, wot 16.05 hodź. přinošk wo serbskich jutrownych nałožkach. Po tym wozjewi sćelak tekst kaž tež přinošk jako mp3 za słyšenje a download w interneće.

Za wulět samostejacych so přizjewić

Samostejacy ze serbskich wosadow změja wutoru, 22. meje, swój lětuši zhromadny wulět z busom, kotryž powjedže do Žitawskich hór. Zajimcy njech so hač do pjatka, 11. meje, w redakciji Katolskeho Posoła přizjewja, telefonowe čísló (0 35 91) 55 02 12. Časy wotjězda busa z jednotlivych wsow so po zwučenym wašnju njedźelu do wulěta wozjewja.

Putnikowanje staršich a chorych ludźi do Róžanta

Putnikowanje staršich a chorych ludźi ze serbskich wosadow do Róžanta budže sobotu, 12. meje. W 13.30 hodź. je w cyrkwi modlenje swjateho różowca, kotremuž přizamknje so w 14 hodź. Boža mša. Na njej wudžěli so tym, kotřiž sej to přeja, žalbowanje chorych. Po kemšach poskići so swačina. Swjata spowědź budže za čas różowca.

Sobota k wodychnjenju a wotpočnjenju

W Domje Wysoke Duby w Drježdžanach wotměje so sobotu, 12. meje, zaso tak mjenowany Studnjowy dzeń. Na tutym dnju je kóždy witany, kotryž by chcył trochu wotpočnyć a zdobom nowe duchowne impulsy dóstać. Studnjowy dzeń započnje so w 10 hodź. a traje hač do 17 hodź. Přizjewjenje njeje trěbne. Kóždy měł sej něšto k jědźi a piću sobu přinjesć. Nawod změja pater Petrus Köst, Silvia Mader a Maria Seitz. Poskićeja so přednoški, bibliske rozpominanja a Boža mša.

Koncert projekta młodostnych

We wobłuku europskeho tydženja předstaji tak mjenowany trojonarodny projekt Europera, kotryž wobsteji z młodžinskeho sinfoniskeho orchestra, młodžinskeho chóra a solistow z Čěskeje, Pólskeje a Němskeje, tež z Łužicy, swój koncert sobotu, 12. meje, w 19 hodź. w Budyskej tachantskej cyrkwi. Mjez druhim zaklinčitej „Agnus Dei“ z Missy solemnis Franza Liszta a oratorij Porta peregrinorum (Wrota putnikow), kotryž jedna wo žiwjenju a skutkowanju swjateho Wojćecha wokoło lěta 1000.

Smječkečenje putnikuja

Wutrobnje přeprašamy wšitkich, kotřiž so z našej wsu zwjazani čuja, njedźelu, 13. meje, na putnikowanje do Róžanta. Boža mša je w 9 hodź. Smječkečanski muski chór ju wobruhi. Procesion woteńdze w 7.45 hodź. při wjesnym swjatym křižu. *W. Brězan*

Nalětni koncert kulturneje brigady

Chór 1. serbskeje kulturneje brigady z.t. přeprašuje wutrobnje na nalětni koncert njedźelu, 13. róžownika, w 17.00 hodź. w farskej cyrkwi w Njebjelčicach. Šulerjo zanjesu twórby z oratorijoweho cyklusa „Počasy“. Zaklinča tež duchowne a nalětnje spěwy serbskich a dalšich komponistow. Wumělski nawod změje Budyski tachantski kantor Friedemann Böhme, instrumentalny přewod Gina Hentsch, a solistka budže Tanja Donatec.

Wustajeńca fotow Pawoła Roty

Wotewrjenje wosebiteje wustajeńcy „Delany – Dopomnjeće we wobrazach“ z fotami Pawoła Roty z Ralbic budže njedźelu, 13. meje, w 15 hodź. w Budyskim Serbskim muzeju. Zawod do wustajeńcy poda dr. Barbara Stempel, wumělstwowa historikarka z Lipska. Hudźbnje wobruhi wotewrjenje Marhata Korjeńkowa. Wustajeńca je zajimcam hač do njedźele, 16. septembra, přistupna.

Zhromadny dzeń za 1. a 2. lětnik

Na zhromadny dzeń do Don Boskowneho domu we Worklecach přeprašuje Dekanatne dušepastyrstwo šulerki a šulerjow 1. a 2. lětnika sobotu, 19. meje, wot 9 do 15 hodź. Zajimcy njech so prošu hač do wutory, 15. meje, pod telefonowym čisłom (03 57 96) 8 87 07 we Worklecach přizjewja. Za wudawki dnja zhromadzi so wot kóždeho wobdźělnika přinošk we wysokosci třoch eurow.

Putnikowanje młodžiny

Wšitcy serbscy młodostni su přeprašeni, njedźelu Swjateje Trojicy, 3. junija, do Róžanta putnikować. Boža mša započnje so w 10.30 hodź.

Koparski turněr ministrantow

Ministranća ze wšitkich serbskich wosadow su na koparski turněr sobotu, 9. junija, do Pěskec přeprašeni. Započatk je w 9 hodź. z Božej mšu we wjesnej kapalce.

„Hdyž Swjaty Duch ...“

Pod hesłom „Hdyž Swjaty Duch ...“ přeprašuje Dekanatne dušepastyrstwo džěci 3. a 4. lětnika na zhromadny dzeń sobotu, 26. meje wot 9 do 15 hodź. do Don Boskowneho domu we Worklecach. Štóž chce so wobdźělić, njech so prošu hač do wutory, 22. meje, pod telefonowym čisłom (03 57 96) 8 87 07 we Worklecach přizjewi. Za wudawki dnja zběra so wot kóždeho wobdźělnika přinošk we wysokosci třoch eurow.

Koparski turněr

Lětuši koparski turněr serbskeje dekanatneje młodžiny budže sobotu, 14. julija, w Pěskecach. Dalše so hišće wozjewi.